

Naammanaaqtumik Havagiami unalu Hivuuranarniq

Aangayaarnaqtuq Atuqtut unalu Havaaq

Hivuuranarniq (qauyimayauvlunilu munariniq/havaaq) nalunaittuq aangayaarnaqtumik aturamik taimaa aannirnaqtumik qanurilingalaqtut uvvaunngittuq hivuuranarniq havaktuq, uuminngaluunit havaqatigiyangit, tiliuqt, unalu havaktuliqyi.

Havaktuliqiyit malittiaqhimayakhaat tamaita havaktiita havadjarikhinirmut qayangnaittumik. Hivuuranarniq havagvingmi aangayaarnaqtumik imiraangat qayangaqhuni taamna haktuliqiyit munariyakhaat ukunani atuagaq pitquhighanlu.

Hunaugami aangayaarniq?

Hanayauyuq ilaurutigivluniuk, aangayaarniq kuvilaqtut nalunaiqhimayangit ihumaaluktailidjutayuq iihilaqtuq. Niuqqaraangat aangayaarniq kayumuuqpagaat inuu'p qaritap mihingnautaa kinguvalaaqtangit huliniarutaa qanurilingayakhaanillu akuniata ukunani qaritaq timingalu.

Hivuuranarningit aangayaarniq atuqtut iluani havagvianit

Aangayaarniq nalunaiqtauvlunilu hivuuranarninga hulidjuhianit, taimaa tunihilaqhutik inungnut ihumaliurahuaqtunut ayuqhalaqhutik qayangnaunigut, qayangnaunigut aallanut, uvanilu qanilrannit avataita.

Taimaattauq, uvattiagunnguraangat-atulirningit imiqaaraangat aangayaarnaqtumik (imin'nguhukhimayuq, iminngaguiqhimayuq) taimaa aanniarnaqhuni ayuqhalaqhutik qanuq ihumagiyaamingni.

Aangayaarniq imiqtunut ayuqhautilaqtut tamarmik hivutuyumik-unalu naittuugaluarmik-tukihianit atuqtunut, ilagilaqhugu aallatqinuit aanniarnaqtumik ayuqhalaqtut, unalu hivuuranaqtumik ihumalaqtut. Aturaanaqtumik-tukiliutaanit aangayaarnaqtumik atuqtut taimaa katilehmayayuq ulurianaqtumik aanniaruyaqhimaqunut aanniarutinullu.

Qanuq naunaiqhimalaqtangit aangayaarnikkut ayuqhaqtut iluani havagviani

- Havaqattanngittut: una ilitquhia havanngittunut hungmallikiaq havagiannngittut, aaniaqhimainnaqtunut havanngillarniq, tuulliipakhetik havagiayuktunut.
- Hivuuranaqtumik pitquhia: ayuqhaqpaktut tupaumilaaayuittut havakhutik, ingutaaraangat imangayutut ilitquhia, uqattialaittunut, tiliuqtinut tautugumanngittangit, ningahuinnaqhimaniq.
- Havaatigut ayuqhaqtut: kinguvainnaqhetik havaaangit kiuyakhait, havattialaittut, huliyungnaiqpakhetik, havagviatalu hiamihimainnaqtuq, puiguinnalihutik hivuniguulaittunilu.
- Ilitquhirinngittangit ilitquhia: havaktit avaliittumainnarumayut, pimmaruummiyaqhutik uqamiiliyumainnaqhetitaq qilamik quviahungitpaktut.

Ihiliuutinit aangayaarnirnut iluani havagvingmi

- Havakti qayangnirnigut: pimmarluutivakhutik, ingattaqpakhetik ninngaumaniq/ningarumayullu.
- Auladjunnaqtumik ayuqharniit: auladjunaiqpaktut, ihuinaaqattaqhutik.
- Havakti aanniarninga: aannianginnaqpakhetik aanniarnikhaitigut ikayuutikhanut atuinnaqpaktut.
- Havakti inuutiarnaittuni: havagvingmiyuiqpakhetik, taimaa havagluarnaqhutik havaqatinut, taimaa havaqatigiiqnikkut piyuiqpakhetik ikayuqattaruiqhutiktauq.
- Havagviani qayangnauninga: kukikpaketik, ningarumaniq, nanguttinahuarniq.
- Ayurnaqtumik ihumaliuqpakhetik: atauhiunginnaqhutik nanminingit ayungitkaluaqhutik, hivuuranaqtumik ihumaliuqpakhetik.
- Nunalingni ilaginiit: qayagihuiqpakhetik, maliktakhainillu pivlugit, unalu aallat qanurilingavaktut hivullirivagaat ilumuuqtumik ukpirihuiqhugu unalu nanminiqutigut angmaumanikhanut iluani nunalingni.

Naammanaaqtumik Havagiami unalu Hivuuranarniq

Aangayaarnaqtuq Atuqtut unalu Havaaq

Havagiak Inikhautaat unalu Munariyakhangillu

HAVAKTULIQIYI UNALU TILIUQTIT

Atannguyat, tiliuqtit unalu havaktuliqiyit ikayuutingit turaaqhimayakhaat ihumaalutiqarniqqat haffumanii hivuuranarnikkut.

- Pivallialuni pilimmakharlunilu haffumanii hivuuranarniq atuagaq pitquhingningillu aulapkaihimayut inuutiarnikkut ilihautikhat, hivuuranarnikkut nalunaiqhiiyut uuminngalu ihuaqpiatqumik ihivriurningit, mamiharniq mamihaqturiaqhimayut haffumanii ihumaaluktunut havaktinut.
- Qauyimayakhatit haffuminngat hivuuranarniq atuagaq.
- Tuhaqtilugit hivuuranarniq atuagaq pitquhinginlu angmaumainnaqhimalugu tamainnut havaktunut.
- Titiraqhimalugit unipkaaqhimalugillu qanurilingannirumik ilagiyauyut taanngarnikkut iluani havagvingmi malikhimalugit atuagaq.
- Ihivriuhimainnarlugit tamaita unipkaariyangit kangiqhihimayauyunilluuniit hivuuranarniq iluani havagvingmi.
- Atuinnaqhimalugit pamiqhiyangit maligautaanit kitunuliqaak havaktinut hunanik malikhimanngittangit haffumanii hivuuranarniq atuagaq.
- Tukhiutigiyauumi, ilittuqhiilugu ihumaaluktunut havaktinut ikayuqhimalugillu ikayuutikhainit humiliqaak pivigilaqtut ihuariyamingnik mamihautikhainit ikayuutikhainillu.
- Maliinnarlugulu ahinut uqalaittait haffumanii ihumaaluktunut.

Tunngavingit

Kanitian haffumanii Havaktuliqiyi Qayangnairnigut, *Substance Use in the Workplace (Hunngittunik Atuqtut iluani Havagvingmi)*

Havaktuliqiyita'p Ikayuutikhangit Katimayit – Alberta, *Alcohol & Drugs in the Workplace (Aangayaarniq unalu Higaarlungnit iluani Havagvingmi)*

Atlantic Kanata Katimayit ukunanngat Ipiralairnikkut, *Problematic Substance Use That Impacts the Workplace (Ayuqhautiyangit Hunngittunik Atuqtut Ihuiluutauhimayuq Havagvingmi)*

HAVAKTIT

- Ilauqatauhimalugit havakhuni ilihaqtit ikayuutauyuq nalunaiqhilugit unipkaarutigilugu hunanik ihumagiyaugumik hivuuranarniq iluanu havagvingmi.
- Unipkaarhimalugit ilingnik atuqhimaguvit havautituruvit mamihainikhanut hivuuranarniarumi huliyakhanut.
- Tuhaqtilugit quyaginnaq ayuqhautinit ayuqhaliruvit aangayaarnaqtunmi tiliuqtinut, uuminngaluuniit uvunga kampani'p atuagaq.
- Malikhimalugit hivuuranarniq atuagait pitquhinginlu, ilagilugulu unipkaaqhiilugit ihumagiyaupat hivuuranarniq.

ILAGIKTUT HAVAKTULIQINIQ QAYANGNAUTINGA KATIMAYIRALAAT

- Malikhimalugit havaktuliqiniq pivallianingit unalu pilimmakhainit atuagat pitquhinginlu ukuninngat munaqtiyunut havaktut havaktingillu.
- Akunngani qimilruqattarlugit tamaat atuagat pitquhinginlu ilagiyangit uvunga hivuuranarniq iluani havagvingmi.
- Qimilrunningit unalu kiuvikhautikhaliurlugit ukunangat atuagaq pitquhinginlu nutaannguqtqattarlugit ikayuutikhhat nailinahuarlugit qayangnarnikkut ilagihimayangit hivuuranarniq.

Nunatsiaq unalu Nunavut Qayangnautigut Maligautaat

Havaktuliqiyit Qayangnautigut Maliguarutit, Ilangani 35.1, Hivuuranarniq

Uyaraqtarvik Qayangnautigut Maliguarutit, Ilangani 18.1.01 (NT), Hivuuranarniq, unalu Ilangani 18.02.1 (NU), Hivuuranarniq